

四庫全書

集部

欽定四庫全書

集部

谷響集卷一

詳校官中書臣孫球

侍讀臣孫球覆勘

總校官編修臣王燕緒

校對官編修臣范衷

謄錄監生臣陳夢蘭

欽定四庫全書

集部五

谷響集

別集類四 元

提要

臣等謹案谷響集三卷元釋善住撰善住字
無住別號雲屋嘗居吳郡城之報恩寺往來

吳淞江上與仇遠白珽虞集宋无諸人相酬
唱集中癸亥歲寓居錢塘千頃寺述懷詩有
高閣攻書三十年句從英宗至治三年癸亥

上推三十年為世祖至元三十一年甲午距
宋亡僅十四年其贈隱者詩有對食慙周粟
紉衣尚楚蘭句蓋猶及見宋之遺老故所作
頗能不失矩矱觀其論詩有云典雅始成唐
句法粗豪終有宋人風命意極為不凡及核
其篇什則但工近體大抵以清雋瑣瑑為事
頗近四靈江湖之派終不脫宋人窠臼所言
未免涉於過高然其秀骨天成絕無蔬筍之

氣佳處亦未易及在當時詩僧中固宜首屈一指也乾隆四十五年七月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

谷響集卷一

元 釋善佳 撰

五言律詩

石湖楞伽寺

寺占石湖上地幽人境清
樹影掃不去苔痕踏又生日
午鼓鐘寂年深臺殿傾覽勝
偶來此但聞春鳥鳴

晨興

瓦溝霜欲滿殘月已沈西
一枕浮生夢數聲鄰閨雞江

金定四庫全書
卷一
橋船未發水驛馬頭嘶東旭光芒動塵埃處處迷

莫行牛角鵑中

側足入幽塢松深蘚石斑夕陽初過嶺樵子又登山澗
水流不歇秋雲去復還即應來此地結屋翠微間

龍興寺用唐綦毋潛韻

徽額唐朝賜還將表寺扉塵侵碑上字風落樹間衣僧
燭晝焰短刹幡晴影微靈烏因得食時並畫檐飛

秋居

棲遲寄窮巷不異住荒村寒草生枯樹秋苔上敗垣衆
山皆遶郭一水獨當門抱甕非吾事乘閒學灌園

有懷

短髮已垂素淒涼道尚孤民間有苛政天下是窮途白
骨堪重肉青山豈免租空將釣竿手舟楫並江湖

寄如鏡師

舊房拋已久不得共為鄰白髮坐深夜青燈懷故人鶴
鳴孤塔雨花發小園春我欲西湖去從師一問津

寫真

浮雲類我身形影暫相親見處若不徹傳來那得真問
年空老大多病減精神畫向麒麟閣都非我輩人

九日次韻

雨洗遙空淨殘陽雁影新秋山動高興古木倚閒身岸
石白於雪水楓紅似春王弘千載酒此日送何人

秋日野望

寂歷邨橋畔夷猶野望時路長征騎疾風定去颿遲城

晚牛羊下天秋草木衰
數聲何處笛渺渺隔煙吹

贈隱者

生無軒冕志老不釋漁竿
對食慙周粟紉衣尚楚蘭
江城猶雨雪花柳政春寒
窮達皆由命初非行路難

夕陽

荏苒迫崦嵫餘暉還更遲
空山縣古木深竹暝荒祠
野望思家遠江行怯路危
亂鴉歸盡處腸斷在天涯

夜過山寺

夜永諸品靜悄然不逢千山萬山月一聲兩聲鐘野
露濕煙草瀑泉滴雲松足倦未遑息招提在西峯

悼隱者

昭代徵賢急丘園尚考槃安知新宇宙猶有故衣冠訓
子芝庭曉譚玄水寺寒遙憐隨化盡泉戶夜漫漫

秋夕懷古

抱疾卧長夜愁心那可降蛩聲寒並枕月色冷侵牕賈
傅弔湘水杜陵哀曲江空懷千古恨無語對秋缸

秋色

漠漠混空際，遙遙接水濱。
淒涼連白鳥，瀟灑滿青蘋。
不礙古今路，能隨南北人。
西風吹欲老，楓葉醉于春。

鄧隱君牧

標格類孤鶴，翩然獨往還。
彈琴坐白石，把酒看青山。
鬚鬢經年改，身心竟日閒。
料知塵世事，無復得相關。

書空山壁

選得雲深處，翛然獨掩關。
春風思故里，夜雨夢他山。
坐

石逢花落看松見鶴還都緣了喧寂忘却在人間

九日

高閣白雲裏江湖罷問津
寒花應佳節濁酒醉何人
風雨兼秋思乾坤獨老身
一聲新過雁不覺淚沾巾

再用前韻

世波方浩渺引領欲迷津
谷口多高譽山陽無故人
風霜催短鬢泉石繫閒身心
結還應解空悲花纒巾

送人往江西

野外秋將莫，征塗更寂寥。
孤舟萬里客，幾日九江潮。
木落煙波濶，猿啼嶺樹遙。
遠公靈塔在，柏子莫辭燒。

聽琴

世無鍾子耳，山水竟誰分。
妙指若不識，希聲那可聞。
鴈啼秋塞月，猿嘯晚峯雲。
宇內馳名者，唯師獨出羣。

雁影

衝風起沙際，波面見斜飛。
迢遞橫秋色，高低亂夕暉。
天空江路遠，野曠旅人稀。
猶憶支筇看蘋花，滿釣磯。

送人之冷泉

茲遊無伴侶遠樹獨依依
日落征帆急天寒過客稀
斷雲隨竹錫殘雪照麻衣
應渡西湖去聞鐘入翠微

荆軻

壯氣干牛斗孤懷凜雪霜
只知酬太子不道負田光
易水悲歌歇秦庭俠骨香
千金求匕首身後竟茫茫

秋夕

高梧初下葉深壁已啼螿
劍閣來書斷函關去路長
薄

田傷夏潦荒圃怯秋陽
夢覺中宵月紛紛滿屋梁

幻住草廬

出郭無多路
翛然遠俗氛
春流上高岸
野日照荒墳
屋老惟生草
山晴不起雲
長年栖此地
世事未曾聞

送無學之龍游

吳天秋欲莫
之子更何之
此別非千里
重逢是幾時
鐘聲出谷靜
帆影度江遲
禪暇看題壁
摩挲張祜詩

寄天目隱者

獨住西峯頂寥寥誰與同
晝燈昏岳雨夜磬隱松風
古澗流寒碧幽花墮晚紅
更無塵事擾終日白雲中

送羽人還金華

鶴氅華陽巾碧瞳光照人
乾坤三尺劍雲水一生身
杜宇空山暮桃花古洞春
石壇歸去後松月夜朝真

楊花

池塘春欲莫散漫復霏微
未得為萍去先來作雪飛
帶泥粘燕嘴和雨點人衣
向晚東風急飄零無所歸

送法界二兄歸侍師

二子芝蘭秀君應道不孤路傍還弃櫟屋上且瞻烏殘
日下高木秋風吹太湖南歸侍巾舄不是為尊鱸

寄無照

不向峨眉峯住還尋舊隱歸蒼苔生地徧白日出門稀竹
月侵虛几茶烟上淨衣江湖曾有約願子莫相違

古道

古道久榛塞今朝始廓然乾坤新雨露華夏舊山川世

上無周鼎民間有漢錢不須聞擊壤已是太平年

遊石湖諸寺得黃字

輟棹事登陟湖山春日黃風暄花氣重崑靜綠陰涼石
色兼苔古松聲挾澗長未能窮勝絕半嶺已斜陽

次韻無照見寄

自從居此地疏懶得長閒花落琴書上泉生草石間雨
聲寒遶樹野色靜連山苟不嫌荒僻來茲共揜關

書無學壁

淨室焚香坐心將萬境空
夜窓山月白曉殿佛燈紅
無夢到天上有書來海東
煮茶迎道侶石鼎響松風

宿山寺

山寺夜逾靜雨餘涼氣浮
明月上松頂高河橫屋頭
疎磬出林迴殘燈照像幽
倦客正無寐寒蟬啼素秋

送白雲之鄞二首

迢遞東州路孤雲伴去蹤
聖燈當夕見海舶近秋逢
弱水蓬萊島懸泉乳竇峰
靜吟山月下何處倚長松

澤國東南郡迢迢接會稽人煙逢海斷山木與雲齊夜
汲分波月晨征候店雞却愁孤錫返草暗竹房西

秋日有懷

道路限南北相思無已時夜深空入夢天濶斷來期水
國燕歸盡關山雁到遲秋風與離恨添得鬢成絲

次韻荅人見寄

愛閒甘遁跡短鬢二毛侵幽吹生松塵流泉入夜琴江
猿乘月聽野藥破雲尋幸有忘機者時來話近吟

次韻如鏡師見寄

日下空馳影，松根好息陰。
遠山秋後瘦，荒井雨餘深。
書篋慵儲藥，經牕喜掛琴。
吳臺蕪更近，來此共幽尋。

送人之江西

萬里孰相從，輕包與短筇。
故交今日別，新識異鄉逢。
風咽湓江雁，雲沈獄寺鐘。
茲游多勝刹，何地寄高蹤。

老僧

白髮竟不剃，天寒懶下牀。
齒疎欣飯軟，睡少畏更長。
語

劇心猶壯年衰事易忘
衆中論夏臘莫問幾青黃

書無功房

倦游歸故隱聊復寄閒心
枕石聽松卧看山倚杖吟燈
明春殿靜鶴唳古廊深
湖海知名者時來此訪尋

禮楞嚴大師塔

牢落城南寺真軀鄉此藏
看碑知歲月見樹憶興亡
脩竹當寒砌幽亭背夕陽
壁間詩懶讀自炷瓦鑪香

秋夕

天高雲過盡落落見疏星
月色經秋白燈光入夜青
細
蒼鳴暗壁亂葉響空庭
更愛崑房靜重看未了經

無得訪宿

窮居誰肯到念子遠相過
歲月今如此江湖意若何
空
庭寒氣重高樹夜聲多
坐久疏鐘盡月明生薜蘿

歲晚三篇

蘭若依城市蕭條門巷深
夜闌春漏斷窻近曉寒侵
書
幌無燈火禪堂有磬音
幾番清梵罷紅日上遙林

窮腸見春回荒園梅亦開曉煙迷郡郭寒日上樓臺吟
癖丹心苦年侵白髮催幽懷感時事臨眺欲興哀
陋巷寡輪鞅開門對翠屏冰銷春水綠雲盡晚山青
嬾來孤蓬熒熒見小星亂鴉棲已定猶自步閒庭

賦得聞琴送范總管佑

萬籟聲初寂琅然彈正音自非鍾子耳誰識伯牙心急
雨翻秋澗寒風振夕林豈堪聞曲罷又動別離吟

蟋蟀

西風吹蟋蟀切切動哀音
易入愁人耳難驚懶婦心
寒燈孤館外秋雨古城陰
聽極無由寐終宵費苦吟

寄無照

相思不可見撫景念離羣
無酒難留客有詩堪寄君
折花衣惹露題石筆粘雲
更有中宵月清光可共分

次韻荅白提舉珽見寄

默默抱冲襟閒庭草色深
了無榮辱事寧有去來心
待月登溪閣彈琴坐竹林
不知靈竺寺何日共幽尋

卧店

方茲送窮鬼山鬼又揚威熱極頻翻枕寒深數蓋衣破
窻秋氣重敗葉雨聲微夜久青童睡孤燈掩竹扉

贈陳隱君癸

處士家何在花街近柳橋半生拋舊業獨夜憶前朝老
景青燈遠春風白髮饒愛尋方外友時復到僧寮

鶴

梳翎看瘦影歲久頂門丹春晚眠莎暖秋深警露寒羣

飛滄海濶孤立白雲寬昨夜山房外一聲驚夢殘

宿山寺次韻子封先生

國

暝投雲際寺深殿一燈微海底月已出山中僧未歸
澗聲經雨急林影入秋稀明發尋征道還愁露濕衣

秋懷

漸漸身將老蕭然祇布衣白雲終日望滄海幾時歸
夜雨窻燈暗秋風木葉飛十年流落後兄弟信音稀

贈隱者

城郭無心入全家住草堂丹青陵顧陸翰墨謝鍾張野
外耕春雨溪邊釣夕陽爾來思屏跡見客懶衣裳

寄友生

分違若未久相憶似多時後會將何日重來預作期夕
風翻急浪寒月墮高枝寄語同人說詩翁鬢已絲

喜雨

涼生炎暑退風物竟蕭颯數日更無雨三吳應不毛潮
回煙渚濶天豁月河高已報香秔熟空虛政可逃

悼友人

獨留行道處仍與竹房鄰
昔作煙霞侶今為冥漠人
孤燈寒雨夜殘月影堂春
念爾無由見傷心淚滿巾

過北塔有感

重經栖息地歷覽思無窮
古殿生春草長廊起夕風
鳥啼深竹靜花落壞房空
會學期全盛無因與昔同

雨中次韻

生涯存一鉢半世寄林丘
夜雨若不歇春田應更愁
亂

雲埋島樹高浪激汀漚歲事誠難卜豐凶似可憂

晚望懷巖栖翁

晚望荒臺上孤筇手自持柳條擎雪重溪鳥遡風遲枯
草春還發陰雲凍不移何當高世者來此共題詩

山菴

平生愛幽致況得共跣趺片月掛木末一峯當坐隅斷
猿寒欲下驚鳥夜相呼世上耽名者還能到此無

寄題郊居

郊居遠塵境結屋枕滄波坐上見魚擲燈前聞雁過晴
堤惟種柳秋圃半堆禾我欲攜筇去無由出薜蘿

贈無照

皎皎煙霞客飄飄雲水僧半生三事衲萬里一枝藤野
澗尋猿度晴峯放鶴登他時佩心印又得繼南能

幻住草廬

夾徑列杉竹茅堂絕四鄰野僧秋不到明月夜相親林
靜鳥窺室泉清魚避人何時離城市來此寄吟身

月夜聞鄰笛有感

獨坐聞鄰笛悽然感昔遊西風吹白月客子動清愁辟
俗思求隱懷鄉欲上樓閒身看漸老此夕又逢秋

端居

端居無外事雅稱寂寥身厭踏黃埃路甘為白石鄰草
長思遠客花落惜殘春幸有窻前月依依冷照人

次韻子封先生荅山中僧

名山不肯住自欲老深雲鑿翠通虛牖鋤荒出壞墳花

開留客醉果熟與猿分更莫逃幽隱音書難再聞

虎丘

緩步入林扉崎嶇一徑微
亂蟬鳴古柳孤塔立斜暉
講石苔侵徧生臺鳥下稀
山雲念寥落檐外冷相依

遣興

身世事無限餘生奈老何
探梅逢雪盡出郭見山多
葉脫鳥驚夢水銷魚起波
爾來思隱劇夜夜夢煙蘿

寄中峯長老

中峯峯頂寺長憶舊遊時雲暝鶴歸急山深月到遲亂

藤懸雨壁壞帛掛風枝終亦攜鉞錫相從支遁師

寺晉支遁

禪師道場

林間

性懶難趨俗林間且息機卷簾逢客至倚杖見僧歸琴響泉流砌香浮雲滿衣幾年居此地鄰國識人稀

山中夜集

焚香坐遙夜滿目是同人泉石三生友萍蓬百歲身松

鳴疑作雨花發似偷春後會知何日清言莫厭頻

橫塘般若寺

相傳般若寺建立自唐朝一水門前隔數峯天外遙堂
虛松韻集殿冷磬聲消後夜空山月歸僧度石橋

治平寺

野寺知名久因來得暫登澗松風瑟瑟山路石層層雲
護看經室紗籠照像燈幽人終解事煮茗接閒僧

寶積寺

花宮隱翠微路轉見崑扉荒址遺鐘在斷廊殘葉飛石
池龍去久松樹鶴來稀愁絕空王殿淒涼揜夕暉

無得見訪

結菴依陋巷門逕冷蕭蕭放鶴看雲久尋山出郭遙雨
添新綠漲春逐亂紅銷不是同懷者誰能訪寂寥

實葉

霜後色初變風高始亂零和雲流遠澗雜雨下空庭掃
處兼僧影燒時帶鶴翎翻思在春日繞屋正青青

夜懷

舊山歸未得時展沃洲圖白髮老還有黃塵夢獨無陰
蟲侵夜急寒月鄉人孤身外生涯在銅餅與瓦盂

宿市涇積慶寺

古寺並溪邊閒來假榻眠亂蠅啼夜月垂柳裊晴烟馬
驛三州路風颿幾處船明朝又歸去重到是何年

送中上人歸里

相留已無計欲別手重攜客路連愁遠鄉山入望低野

花秋寂歷江草晚淒迷舊隱重歸日寒螢夜夜啼

次韻送前人

旅館政蕭條孤城秋氣饒歸心懸水寺別夢遶河橋塞
北鴻初至江南柳半凋悠悠片帆去望極欲魂銷

北塔秋居

地僻人來少門閒草自長霜風催落木秋雨暗殘陽濕
菌生枯枿愁鴟立壞墻若非便寂者應是厭淒涼

重過積慶寺

此夕知何夕青燈喜復同
荒堦填落葉野水浸寒空
坐久樹生月語闌江轉風
幽懷兩相契殊不厭飄蓬

酬大拙見寄

結屋並雲林塵蹤豈易尋
自非超世者寧有愛山心
石洞煙霞古砂岡草樹深
一聲秋夜磬涼月滿遙岑

送白無咎歸錢唐

蘓杭三百里彊半水為程
野岸東風急春山落照明
依微村樹遠出沒浦鷗輕
別後空相憶迢迢隔鳳城

感事

野性難拘束，孤蹤任卷舒。
交情如乍見，至老可同居。
落葉兼風掃，寒花帶雨鋤。
白雲無一事，終日在吾廬。

宿積慶寺

黃埃飛不到，四壁抱清虛。
窻影柳搖月，溪聲獺捕魚。
過橋官馬路，隔水野人居。
幾度曾來此，中宵得宴如。

秋夜獨坐

解帶坐盤石，條然四體輕。
夜涼蛩語細，天淨月華清。
孤

燭明深殿哀笳起廢城寥寥塵境外誰識此時情

夜懷

新詩徒自愛攤誦有誰聽半世髮已白何人眼為青
窮風落木夜久月侵庭多少塵埃者槐宮夢未醒

往事

往事都成夢空餘頂上霜鶯花春澹蕩風雨夜淒涼
影搖虛壁鐘聲隱古廊愁深不能寐清淚欲沾裳

庚戌三月廿日之作

雲暝狂風急重城起暗塵疾雷驚過鳥飛電打行人溜
積半庭水花飄滿地春韶華政愁莫對此欲傷神

次韻登石城

振策登危堞東風雁北歸清江愁外濶遠樹望中微草
色和煙重鶯聲帶雨稀緬懷千古事客淚墮麻衣

貽沈肖鑑

栽蘭仍種竹瀟洒隔塵寰入戶疑無地開窻喜有山心
隨書畫老身與水雲閒家事從兒了風流共往還

第五
六句

又云丹青資隱
逸詩酒伴清閒

過昆承湖

引領望不極清寒襲敝袍
春雲連野暗晚浪帶風高
斷岸餘葭葦長空絕羽毛
都緣倦行役但覺此心勞

舟行夜泊

旅泊近黃昏田家盡揜門
亂雲垂迥野破月照荒村
古木無春意平原有燒痕
客愁眠不得達曙動吟魂

登甘露寺樓

樓壓層崖險登臨竦骨毛地虛淮海近天靜斗牛高
狼石埋煙草疏鐘荅莫濤蕪城吹角罷白鳥下江皋

寒食遊虎丘次韻

此日逢寒食靈蹤得徧探遠村消宿靄層巘漲晴嵐
草色千人石松聲百尺潭冥冥雲際雁又欲別江南

合路道中

此路何年有扁舟幾度過晚煙青草岸春雨白鷗波
野寺樓臺小江村花柳多客懷無可奈誰唱采菱歌

寄宋子虛二首

抱志惟端嘿懷才慕隱淪
風霜先入鬢雨露未霑身
高卧樓頭月閒行郭外春
幾番因讀易漱齒裹烏巾

儒釋門雖異詩書味頗同
有心依澗壑無意謁王公
午鼎篆烟碧夜燈花穗紅
曾聞少年日幾度過遼東

送王化士之三韓

去路渺無際承恩豈憚賒
神山鼇柱穩靈海蜃樓斜
天黑迷寒雨波紅映曉霞
舶帆才次岸又覲梵王家

金定四庫全書
卷一
題如公影堂

師年八十餘去住兩如如幽圃新栽竹清池舊養魚月
明花露重秋晚柳陰疏猶憶東軒下焚香誦竺書

陪范總管遊桃隴別後見寄以詩遂倚韻荅之
遠尋方外客野步遶荒城喬木侵雲直孤舟隔岸橫行
春酬逸興坐石話閒情風物雖然好人煙惜變更

愛閒居士

自愛清閒好何心問市朝廷齡思種菊賞靜厭懸瓢坐

石鈞秋水尋梅過野橋
近來吟鬢白毋訝遠公招

送人歸松陵

君仍歸故里教我若為情
後夜同明月長年隔古城江

颿隨雁遠戍角入雲清
柳下維孤艇諸

闕四字

夜懷

風高木葉乾院靜夜燈殘
窮獨宜長健支離苦乍寒
卑辭為容易直道置身難
舊有青琴在塵埃莫可彈

次韻白提舉

南歸初下馬相見白頭新語笑清於舊風霜老此身一
聯落梅句萬代補騷人長鄉西湖住優遊兩季真

丙辰十二月雪中縣官踵門貸粟因而有作

脈脈擁書坐閒門爵可羅寒威當晚重雪意向春多飢
鳥下高木殘水流斷河縣官煩貸粟窘乏欲如何

丁巳元日

四十今朝是余生未有涯寸心曾不白短鬢已先華落
落攀天驥悠悠夢海槎坐看殘牘盡空憶早梅花

寄顧秀才

長憶顧非熊，新春尚未逢。
曾同坐盤石，相對話諸峯。
風撼紫荆樹，雲埋青黛松。
翻身躍桃浪，不日化為龍。

首夏遊桃隴得濃字

桃隴春歸後，閒行野興濃。
草深迷舊路，城闕見遙峰。
養竹多留笋，栽花少種松。
伊余皆靜者，吟賞且從容。

東郊即事次韻

墟落暫依止，回頭冬已闌。
閒田秋雨發，深港暮濤寒。
白

屋貧來老黃茅燒後殘農人半流浪應歎別離難

嘉定顯慶寺

艤櫂逢精舍松扉晝不扃暮雲兼雨黑寒樹帶煙青鳥
散庭還靜龍歸水自靈徘徊未能去石墀語風鈴

書田家壁

自憐無舊業投老事鉏犁地瘦畦蔬短家貧草屋低月
寒烏遶樹風急浪翻堤猶憶兒童日曾經住水西

歲暮道中次巖栖翁韻

冬深百草黃遊子政悲涼野岸霜來滑林風晚後狂吳
山雲作蓋江國水為鄉既有栖遲處毋令三逕荒

種竹

閒房少幽致移竹近牕栽白日何人到清風滿坐來亂
聲鳴晚雨寒影掃秋苔却憶香巖叟寥寥去不回

次韻山村仇先生六首

老去行藏定誰能更倚樓一杯新白酒千載故清秋野
寺穿雲入田家帶雨留少年曾翫月頻到屋東頭

身前書萬卷豈得謂全貧已識蕉隍夢還嗤櫟社神鶯
花娛白髮泉石送青春幸有相知者中宵月一輪

冷官雖不調心跡喜雙清自向南陽卧誰懸東閣情籬
邊黃菊老鏡裏白鬚生行輩凋零後長懷舊弟兄

此夕不長好如何今夕晴蟾光閒獨對花漏惜頻更老
鶴松頭卧疏星殿角明最欣羣動息隔屋有書聲

愛閒非傲世詩酒老清時藪桂歌招隱荒宮賦黍離村
橋將鶴度湖艇趁漁移盡道黃金好無人鑄子期

詩翁猶水北演老自山東巾履風流異林泉氣味同散
行逢瘦馬獨立見長虹屋外蛛絲巧初非造化工

過幽人居

城郭居來久因吟與俗分琴聲宜月色劍氣應星文酒
對山妻酌鶯蕪稚子聞門前名利路車馬自紛紛

山居二首

為得幽棲趣身名自兩忘倚松山衲濕洗藥野泉香
靜綠陰合林深白日長罷吟閒獨立一鳥下蒼茫

結茆藏俸跡四壁但蕭然果熟防猿過庭閒任鹿眠漱
餅秋澗側掃葉夕陽邊贏得無塵事雲山到處禪

餘生

短鬢霜侵久餘生懶問交愛閒忘俯仰養靜倦推敲花
露懸蛛網芹泥落燕巢有時幽興劇扶杖出衡茅

草

偶得東風力青青補燒痕宦遊傷客思醉卧醒吟魂廢
塚埋殘碣荒原接近村如何千古上為爾憶王孫

贈羽人

白髮僂巾櫛客來無禮容
愛山思疊石辟穀學食松林
靜分朝磬雲深隱暮鐘
桃源在何許我欲問仙蹤

送彥上人歸雪川

茗水來天目春深應更清
獨行山徑裏到處杜鵑聲
亂草侵衣綠殘陽隔樹明
何當縛茅舍遁跡度餘生

無照約余過雙峨首寄以詩遂次其韻答之

相將峨眉石下緩步復吟哦
古壁畫龍象陰窻蔓薜蘿
樹

枯生意盡僧老道心多獨有余兼爾時時得共過

閒居

掩室依城曲身閒足自寬地經梅雨潤天近麥秋寒
石琴中奏雲山畫裏看如何瀛海內塵土日漫漫

山中秋夜

寂寞空山夜徘徊何所從穿雲扶瘦竹待月倚長松
雨過澗聲急林深秋氣濃孤吟猶未穩收蘂起前峯

懷南遊者

忽憶南征侶迢迢荆楚間江城羣木落筇杖幾時還歲
晚心空切鄉遙夢自閒名山知歷徧終老別離顏

人有與余有西湖之約者久而不報因以二詩

促之

佳期曾不遠幽事試先論既踏蘇堤月還看越嶠雲春
船應共載夜榻可同分行李須當戒緘辭報爾聞

久有西湖約不知能去不一身成老大兩地憶交遊野
岸春姿動江橋霽色浮此行如可共毋惜榜蘭舟

人日舟中

客裏逢人日如何天亦陰舟行還慮雨夜宿莫沾襟野
水來赤岸春風過皂林清遊本無悶覓句彊勞心

雨夜宿崇德南柵

落日天涯雨脩程那可登水邊聞擊柝木末見懸燈夕
吹狂還歇春雲亂欲崩船窻作弓卧我亦竟何曾

臨平道中

聞說臨平路扁舟此度過旅情隨水遠詩思見山多湖

外無青草村邊有白鷺濛濛煙雨裏敲枕聽吳歌

錢唐客夜

旅寓困風雪愁心那可降夕寒傷短夢病骨怯高窻古
柳依荒苑疏鐘徹舊江不眠歸思動無語對蘭缸

陪山村先生白提舉宅清集

展席當清晝馮軒野思饒苔隨屐齒陷雪入酒杯消看
竹鶴先舞彈琴梅自飄風流餘二老相對話前朝

過西湖

小艇泝深碧悠悠返照間柳邊逢白鳥湖外見青山寺
隔春城遠雪隨野水閒不知林處士幾度此中還

遊龍井

江郊雨初霽野興入孤筇白道行時盡青山到處逢寒
泉鳴遠澗旭日照高松陰井空猶在如何不見龍

冷泉亭

一脉雲移出流來萬古長冷涵芳樹綠幽帶落花香馬
跡喧春晝猿聲吊夕陽不知遊此者誰解辨滄浪

送界上人還錢唐

春風吹柳條送別欲魂消
花發清明近人行綠水遙
猿聲靈竺雨颿影淞江潮
却憶同遊處笙歌滿六橋

偶成

院落清陰合微風燕子過
好花隨雨盡惡草入春多
聲利青雲上空閒碧澗阿
百年渾是夢身世欲如何

路

出門皆可適何事獨興哀
固是分邪正爭知絕去來
雲

霄還直上榛棘且低回又道長安市風埃聚作堆

除夕次韻山村先生二首

逗曉歲方盡爭知春已還
菜青憐客饋髭白笑人刪
陶陸雖歸社巢由豈買山
平生攻苦意不是學疏頑

夜寒還附火齒冷必依脣
鏡裏千莖雪城中數日春
驅儼堪嚇鬼爆竹莫驚人
與世誠迂濶餘生但任真

清明山行次韻

灌木莫鴉繁遊人取次還
清泉煮茗菊高竹掛衣攀
雲

葉墮平地松濤起
半山塵埃日擾擾
浮世有誰閒

無照西園

屢井希閒地名園到此深
穿池侔野水種樹學山林
菊圃入秋色檜屏生晚陰
悠然澹相對物我兩無心

郊行次韻

秋雨灑郊坰離離禾黍情
見山銷客思問路憶鄉城
鳥沒江天濶魚沈野水清
不知來往者白首竟何成

秋思二首

林間香火暇每復事詩書伏櫪終憐馬臨淵不羨魚殘
陽雲木淡朗月水天虛選靜無來客蟲鳴秋草疎
蔬食聊存拙幽棲獨固窮城鴉歸晚色庭樹入秋風詩
思塵埃外閒心澗壑中弋人空佇立無路問冥鴻

幽居

林間常獨掩深逕更多苔坡暖草爭出山寒雲未開澗
花空自落溪鳥靜還來莫待重陽至先尋菊本栽

齋居次韻

蕭齋掩深晝四坐淨無埃汲井青衣出烹茶白足來瓦
鑪連佛燭撥拂近香臺隱計還應遂山圖莫浪開

秋懷十首

涼風動寥廓庭下草初黃病骨知寒早愁懷覺夜長孤
城淹歲月重露迫衣裳黑髮渾無幾尤宜事退藏

茶香醒午夢鑪篆散窻風淮北傷秋水江南見蚤鴻暢
懷非麩蘖遣興有絲桐久雨晴何日青山杳靄中

江城暗塵土鐘鼓自林泉老至雖多懶身閒似往年迎

寒營紙閣趁暖玩韋編亦有煙波興淒涼無釣船

投淚哀吾道傷心憶故園孤窮時易失老大我猶存日
薄雲凝野秋聲葉滿門澗阿雖自樂寤寐獨無言

思苦心益苦冥搜我獨知木鷄終解語畫餅豈充飢聽
雨卧秋榻觀魚遶石池閒中書可讀出戶亦遲遲

顧景每獨笑無營祇賦詩心勞頭白早秋晚葉黃遲冷
坐倦來客溫尋愧古師雙雙堦下蝶香醉菊花枝

砌冷候蟲急燈昏幽夢長秋風吹草木天氣入淒涼門

掩荒城月鴉啼古堞霜無成今白首身世轉堪傷
駸駸已遲莫吾道入衰微浮俗惟鮮食空門自衲衣邊
鴻先社至蒲柳望秋飛坐對中宵月寥寥何所依
礪曲獨盤旋人間事屢遷艱難銷壯志衰朽惜殘年世
有還珠浦生無種玉田歸來華表鶴亦勸學金仙
抱景坐虛室儵然誰與同像金輝夕燭欄鐵響天風汎
大潮應滿林深葉未空江南秋欲老腸斷北來鴻

野菊

野菊隱寒草秋來花自芳
淒涼逢暮雨浩蕩憶重陽
五柳辭榮久三閭別恨長
東籬無夢到珍重付啼螿

山居二首

結茅隣虎豹食麪度朝昏
衆水自歸壑一峯常對門
秋河明樹頂陰澗響雲根
樵獵徒瞻望煙蘿莫可捫

鑿頭雖柄短深谷可開畬
掃葉林風急擔泉野日斜
髮長寒不剃帽破裏堪遮
猶憶來居此因循歲月賒

田家

秋晚豈宜雨田家但愛晴辛勤事東作日夕望西成社
酒蕪兒醉新炊滿屋馨紛紛理禾黍不覺曙鴉鳴

書卧雲室

名遂身還退優遊足卧雲市聲深巷隔塵跡斷河分竹
露晴猶滴荷香靜始聞齋餘無一事閒讀古人文

曉思

雞聲鳴不住花漏滴初沈殘月依松牖新寒到楮衾燕
歸秋亦老霜降水猶深欲識栖閒意牀頭有綠琴

辛酉歲莫

歲晏雪未落雲深山易昏
雨聲浮几席野色隱蓬門
芳信傳梅蕊春心託草根
平生獨居意俯仰有乾坤

破山興福寺用唐常建韻

高僧曾駐錫壞塔寄中林
不是禪門靜爭知塵海深
潭空龍出穴巖古樹無心
何處來黃鳥嚶嚶送好音

瑞石

為祥付偶然但欲保貞堅
自是堪攻玉誰論可補天
幾

年遺絕頂終日並清泉頑鈍無由化遊人莫浪傳

聚遠亭

頂山中峯院舊有此亭宋邑宰劉拯嘗留題
處士林逋亦嘗和之石刻具存亭則墮已久
矣余假林韻為詩一首以寫山中之勝時壬
戌莫春之三月也

泉流嶺下分濺沫濕晴雲野月當空照松風徹夜聞碑
殘因蘚駁像暗為燈熏祇隔簷前竹甡甡見鹿羣

龍君祠

曾聞移夜塚來此寄煙霞遺構空山裏長藤掛樹斜池
幽涵石髮風暗積松花旱澇堪祠禱衣冠莫憚賒

永昌道中

孤舟遡晚風久客倦西東野岸散頽石窑煙散遠空路
長驚落日春盡惜歸鴻漸喜城門近市樓燈已紅

秋思

掩關期養素荏苒老江濱城晚鴉歸堞天寒猫近人斷

煙浮野水涼颺起汀賞矯首雲中雁隨陽又作賓

寄題崑山慧聚寺用唐孟東野張承吉韻二首

旭日上絕巘宿雲猶滿牀
宮溜滴靈草天風飄異香
陰井浮海氣野竹搖山光
幽尋殊未罷遙想煙霞場

山深嵐氣昏江遠莫樓吞
片月生松頂孤泉出石根
歸牛分牧笛落雁隔漁村
嚮老遺蹤在清風滿竹門

送東山長老遊冷泉

江天已遲莫挈襜上行舟
老大懷新感煙霞訪舊遊
月

明山館靜泉響野亭幽覓句應心苦何人共倚樓

晚晴

臘殘芳事近雪意已成空遠岫潭潭碧微陽澹澹紅園
蔬抽宿雨院柳變春風閒倚闌干曲淒涼見斷鴻

送虞待制歸江西還翰苑

今代詞人手翰公獨邁倫見高忘勢位思壯足精神雪
浪西江水煙花上苑春只應清夜月處處照車輪

雨中次韻

春霖不肯住白日隱煙霏
暝薄窻間紙嵐蒸架上衣
荒園梅子小幽圃芥臺肥
牢落江城外東風雁北歸

納涼

日夕倦煩暑虛廊獨坐時
風蟬聲斷續月樹影參差
菰米先秋熟荷花失雨遲
會當臨澗漾倚杖濯鬚眉

送人赴三高祠主奉

笠澤光猶遠餘輝及後人
諸孫奉祠事千載繼芳塵
釣艇煙波濶江橋棟宇新
聖明今在上此去莫垂綸

西齋聽雨

雨聲來不斷故故並西齋事往添幽夢年衰減壯懷潦
深猶有路草長欲無堦想得南薰至還應天氣佳

再用前韻酬無功

出門何所適清坐掩蕭齋圖史有真味塵埃無好懷蛛
絲連遠樹蝸篆滿空堦擬共烹新茗井渾泉未佳

錢唐感舊

江山王氣終江水自流東鐘鼓傳新寺煙花失故宮龍

亡靈沼竭鳳去寢園空殘月西風夜無人倚井桐

秋日次韻

楚人悲落木魏客賦登樓何事東西路能生今古愁
月涼青樹曉水冷白賞秋拄杖猶懸壁無心作遠遊

舟次吳江

客路渺無際崎嶇何日平積煙迷遠樹殘照下荒城
水宿先歸港朝行暗計程長橋知漸近笳鼓隔林鳴

次韻答宋子虛

茫茫萬人海，跂望渺難馮。從作山中相，爭如林下僧。艱
難心轉小，老大氣偏增。只有閒為貴，浮生幾箇能。

九日

老至逢佳節，何心惜歲華。白衣千載酒，黃菊九秋花。養
素人情淡，居閒世路賒。午憲書梵典，風裊篆烟斜。

秋莫

冉冉秋光莫，悠悠菴韻悲。青山無變色，黑髮獨成絲。亂
葉多萱草，高花半菊枝。寂寥塵境外，閒誦考槃詩。

感古

壟畝非朝市求賢豈易逢
饁田知卻缺辟雨見茅容泗
水雉為蜃禹門魚化龍
幾多高蹈者樵牧老雲峯

曉思

畫角吹霜月孤城寒氣增
風聲窻外竹夜景佛前燈
委質懷貞士遺榮尚靜僧
西山泉石好早晚去扶藤

借韻酬無功

窮通皆有命孰肯強求知
舉世思趨利何人聽說詩
雲

金定四庫全書
卷一
間依碧嶂魚樂遠清池更欲投深密誅茅計已遲

送薛安道赴雲陽尉

天佑

家世簪纓後為官豈為貧有才終濟世得邑且臨民雞
犬通宵寂弓刀列戶新公餘定多暇詩酒可怡神

過故人所居

屢中成小隱幽戶晝常開好畫多同看新詩每獨裁湘
花香帶露渭竹影侵苔二子丹青妙時聞車馬來

福嚴即事次韻

城郭繁人事深栖足離羣聽泉因坐石看竹得穿雲簾
峯山還入池成路自分梅花香欲老蜂蝶未曾聞

悼幻住和尚

聲名喧宇宙生死一蘿庵既是藏陶器終非火木龕門
風宏濟北塔樣劣湘南珍重諸龍象從茲政好參

癸亥歲莫

孤城膈欲殘峯地北風寒雨竭河流淺霜餘木葉乾半
生惟斂退萬事但從寬與俗誠乖異無求足自安

春日雜興三首

力疾坐圓蒲清香炷瓦鑪春寒欺鶴骨古雪壓犀臚水
暖龜魚樂泥融草木蘓驅馳漫勞苦莫廢靜工夫

陶令官彭澤旋聞炊黍香功名比雞肋世路劇羊腸桑
海雖新變琴尊只舊忙終期隨化盡松菊老潯陽

山中三十年枕石抱雲眠南嶽煨黃獨東林種白蓮盃
香供茗飲簾暖護柴煙俯仰人間世清風有昔賢

真柑

黃柑出洞天珍貴古今傳
入手香三日辭枝顆百錢
品高陵蜀產味勝壓華筵
釀作王孫酒堪詒玉局仙

冬日漫成二首

一日又一日今吾非故吾
月明知顯晦葉落見榮枯
道在山林重名浮宇宙孤
世情無定向屋上但瞻烏
年光已頽莫笑口向誰開
寒氣三冬盡春陽九地回
窺園蓬白草散榮得江梅
矯首成遐眺風前朔雁來

春日即事

金定四庫全書
卷一
古木寒風動重城，暮色催閒居。逢月閨老至，見春回凍地。餘青草溫鑪，有白灰一燈懸。丈室半照落，鉗梅。

感懷

世事浮雲變，時時到眼新。雨寒思附火，年老畏逢春。草長通幽夢，波流失故人。弟兄南北久，寂寞斷音塵。

遊靈巖用唐趙嘏韻

入門松路悄，村遠隔滄洲。山寺方槐夏，田家政麥秋。廊聲久寂，香逕水空流。落日催歸棹，無因更上樓。

寄雲陽薛縣尉

聞說雲陽尉官閒不廢吟
夜村無吠犬春館有鳴琴
古甸蒼山迴長江白浪深
金焦舊游處何日共登臨

暮春故人書樓清集

晚興生遐眺層陰起遠空
巷分鄰樹綠山映寺樓紅
倚檻對清雨卷簾來好風
非君有幽致勝集豈能同

初夏偶成

春去衆芳歇綠陰生晝寒
輕颿起賞末細雨來林端
水

縮舟楫隘心閒天地寬
驅馳徇物者白首無由安

盆竹

瓦缶不多土娟娟枝葉蕃
豈知么鳳尾元是古龍孫
蒼雪灑禪榻細香浮酒尊
玉猷來此見應亦為銷魂

一乘菴

結屋依高巘雲峯隔水西
山空秋氣早天濶夕陽低
柳下見漁艇牕間聞午雞
長年抱禪寂不是學夷齊

晚興

雷聲開蟄戶
電影遶牕扉
雨暗空雲作
林喧宿鳥歸
小橋春水漲
深逕莫花飛
別有幽期在
山中筍蕨肥

茶屋

清心修茗事
淨室掩春風
餅瀉崑泉碧
童敲石火紅
杯鐺今陸羽
文字老盧仝
俗客何由至
塵埃路不通

吳山晚步二首

雨晴山色正
晚步興何長
野寺依崑靜
流泉出澗忙
路幽宜杖履
樹密礙衣裳
此日逢朱夏
臨風蕙草香

平生愛丘壑老不倦躋攀上國風塵暗中林歲月閒池
清應可飲山好欲忘還道左何人塚麒麟臥草間

雨

入夏何多雨荒城日日陰桑麻村墅暗鵝鴨野塘深
貴防微賤霖淫恐大侵魚龍莫漫喜使者政勞心

九日後作

佳節名猶在寒花跡已陳黃壚存朽骨白髮及閒人秋
色無多日茅檐別有春浮生竟何事應俗漫勞神

聞鐘

天空羣動息逸響自虛徐擊處今生滅聞中謝有無春
船驚夢客曙堞起啼烏常記秋山聽松欄片月孤

雨後

暑雨欣初霽孤城水渺漫聞吟清晝永靜立綠陰寒巷
僻無車馬庭幽足蕙蘭平生守疏拙不是強求安

秋夕

欲雨竟不雨雲凝河漢濱砌蛩幽破夢牕月靜窺人火

遂炎光老詩隨涼颺新賓鴻猶未至砧杵滿遙鄰

秋日過如鏡師房二首

崑房秋氣清相過話閒情檻外葉初落牕間琴自鳴昏
鴉歸遠樹野水遶荒城三十年来往于今白髮生

聚首洽清驪分違良獨難情深劣難黍義重劇金蘭小
圃草猶碧中林楓已丹非君愛樗散那得此盤桓

咏塵

赫赫仍擾擾今古困征夫衣上有時盡寰中何處無荒

祠凝靜几閒市衮長衢漫說飛滄海誰能見海枯

寶帶橋

運得它山石還將石作梁直從隄上去橫跨水中央
白鷺下秋色蒼龍浮夕陽濤聲當夜起併入榜歌長

淵明圖

身捐簪組累藜杖得閒行耕鑿還初服琴尊了此生
孤吟忘富貴長揖謝公卿無酒堪招隱空懸萬古情

送白無咎入蘭陵幕府

獨賢勤典教中歲始臨民
幙佐紅蓮舊袍分綠草
新琴高終絕俗畫妙定
通神公退應多暇甘柔
好奉親

松下談玄畫軸

松頭風寂寞松下客淹留
話到天人際能令神鬼愁
碗香溪茗熟嵩響野泉流
老怯攀躋倦晴牕得臥遊

次韻答范秀才見寄

握別遽經歲難忘故舊情
夜堂幽夢遠寒杵莫秋清
月照紙牕白露垂楓葉明
無心甘擁篲但欲與鷗盟

感懷二首

齒髮颯已暮空懷少壯心
夔龍既廊廟巢許自山林
夜雨梧桐落秋風蟋蟀吟
時方劣息信無術化黃金
人生駒過隙好息漢陰機
但識刀錐是爭知土木非
田園猶換主日月豈停飛
久欲攜鉞錫誅茆入翠微

丁卯閏九月九日作

三年逢一閏此歲兩重陽
白髮多新感黃花只舊香
陶潛悲世短甯戚慨宵長
閭里欣佳節招邀共舉觴

次韻酬子虛二首

聞君久學仙，投老擬參禪。
林下堪休影，區中且任緣。
染髭瓢有藥，漱齒井無泉。
天早故也幾換珠輪線，
牕間手自穿。
散策過僧家，天寒烏帽遮。
宦情閒去盡，詩思老來加。
雪作空中片，雲生石上芽。
風流自來往，塵跡到應賒。

懷陳道士次韻前人

乾坤真逆旅，乍合首還分。
形跡成拘滯，音塵隔見聞。
簫聲猶在耳，鶴影獨離雲。
汗漫來何日，無因睹近文。

早春次韻

幽栖愜野情老至倦春行雪盡終無冷陰多未得晴砌
香梅墮片空響雁傳聲愛爾登臨句身閒思致清

次韻還舊居

陶公返舊居尼父賦歸歟歲月注坡馬丘園下澤車蝸
涎存古壁鼠穴帶殘書為得玄中趣東西總宴如

歲莫書懷次韻無功二首

烏兔無情極東西來往頻風霜寒永夜城郭老閒身井

早泉源竭冬暄草色新不須論往事斂跡作幽人
品壑歸何日中宵入夢頻生無趨俗韻老有背時身
葉侵衣綠梅花到眼新寄言塵市客不是卧龍人

憶清泰

花上已標名資糧願早成定應生樂國斷不墮疑城
妙法水禽演圓音風樹鳴慈容彈指對永劫破無明

谷響集卷一

欽定四庫全書

集部
谷響集卷二

詳校官中書臣孫球

侍讀臣孫球覆勘

總校官編修臣王燕緒

校對官編修臣范 衷

謄錄監生臣孫大森

欽定四庫全書

谷響集卷二

元 釋善住 撰

七言律詩

春杪登蘇臺

獨上高臺小凭闌
荒城寂歷水雲寬
連天芳草雨初霽
滿地落花春又殘
白髮不生還亦老
青山無事且須看
吳王伯業消磨盡
江鳥呼風野樹寒

秋江晚歸圖

誰驅象管掃風烟野老攜筇古木邊山靄沈沈無過鳥
江流泯泯有歸船家貧不畜栽花地力健還開種秫田
辦得縣官秋賦足黃鷄白酒樂豐年

答人問次韻

昔年曾事華陽君寵辱昇沈總不聞雞犬得仙何足問
刀圭餘藥可同分丘園自洽唐虞化枕席猶觀屈宋文
門外輪蹄互馳突矮窻終日斷鶯氛

秋居

為愛吟詩心獨苦每於人事少關情山林有道名還著
廛市無營跡自清黃葉蕭蕭孤館夢青燈耿耿百蟲聲
一從栖息窮簷下包笠何曾浪出城

送胡道士用唐賈島韻

蘿徑春歸半是苔舊山無處不花開石房雲暖青牛卧
琪樹月明黃鵠來萍點霞裾行雨罷血凝星劍斬蛟回
篋中靈藥長存取莫使流年逝水催

舟次盤門過無得院

蓬窻兀坐聽鳴蟬滿目陰雲欲雨天山隔壞城縣落日
樹連荒驛帶蒼烟臨流石馬何年墓種竹人家有釣船
至老相尋能幾度更揮青蓋訪林泉

送無照入杭

草白山青羣雁飛天寒日暮行人稀危帆側倒過絕岸
鉅浪突兀翻晴磯飛來峰頂猿聲急合澗橋邊月色微
已有梅花報春信地爐煨芋待君歸

贈日本僧

鯨波渺渺接遙空今古由來一葦通
斗柄夜縣常辨北日輪朝湧始知東
車書既混文無異爵服才分語不同
鄉路眼中應已熟好攜包笠扣玄宗

凌歊臺用許渾韻

宋武南巡能幾回如何此地有高臺
濛濛野翠連山合漠漠江雲度水來
輦路春深芳草暗宮牆日暖碧桃開
殘碑一片無人讀土蝕沙埋卧綠苔

遣興

鏡中歲月髮如霜，拗折漁竿罷釣璜。
成我固知無鮑叔，絕交幸得有嵇康。
江邊茆屋從風卷，峴首苔碑任雨荒。
一炷梅檀數聲磬，青燈影裏事空王。

寄巖栖翁

白首雲棲掩竹扉，山中消息到城稀。
老來閒去交游少，病後經行氣力微。
野岸曉烟添柳色，敗垣春雨長苔衣。
吟詩只益丹心苦，擬挈筠籠共采薇。

次韻送劉鍊師還茅山

鶴背風高歸路難故山遙憶水雲寒青琴三疊篴三弄
白飯一盂蔬一椀對客圍棋衣緩帶斬妖揮劍髮衝冠
壺中日月雖無限誰信人間鬢易乾

悼陳隱君

端淳者舊凋零盡今日傷心又到君身後有詩傳異域
生前無子托斯文閒門寂寂迷芳草古柳依依黯暮雲
惆悵我來相吊罷庭花和淚落紛紛

雅

點突蒼煙沐羽翰歸期頭白亦何難
平時疇亂落野風急高樹爭啼壠
日殘鬪食引吭行屋角避人翻影起江干
因思水宿孤舟夜敲枕候鳴霜月寒

故里感事

墟落荒涼竹樹空耕漁鑿飲古今同一聲
鴻雁度寒雨兩岸蒹葭鳴夜風
耆老問來多作鬼故交別後盡成翁
雲山滿目愁無極浩浩溪流只鄉東

送日上人還吳淞

秋雲秋水雨悠悠白首何堪動別愁岱嶺月明寒鴈過
楚江木落晚禾收夫差既賜申胥劍句踐難回范蠡舟
今古興亡無限事願因歸路問沙鷗

遣興

少年心事付東流把鏡空驚雪滿頭蠻觸戰爭何足算
雞蟲得失幾時休清砧敲碎吳臺月寒角吹殘越壘秋
究竟自知身是客行藏何必倚危樓

九日

澤國西風物候殊
此生能見幾榮枯
漏天不與杜陵補
濁酒誰資陶令沽
眼對黃花聞蟋蟀
首戴烏帽把茱萸
年來已減登臨興
卧鄉松窻看畫圖

送人還山

茅茨拋在翠微間
柳栗橫肩又獨還
松樹別來巢鶴大
銅餅歸去蟄龍閒
西風黃葉埋寒徑
落日青猿叫亂山
後夜月明誰是伴
枕前飛瀑響潺潺

寄無照

雅道交游僅有君
片雲遙隔斷知聞
燈前綠酒難同醉
屋外黃柑可共分
唐老詩瓢浮草具
永師筆瓮瘞銘文
滿懷風月還依舊
好過街西與細論

贈羽人

霞珮星冠老葛洪
何年飛下玉華宮
石鑪香冷易初罷
山鶴睡醒琴未終
好道每思超物表
愛閒長欲入壺中
不知自別仙都後
還見桃花幾度紅

送人入杭尋第及謁山村先生

之子難忘骨肉情，遠尋仲弟入抗城。好山半向舟中看，
佳句多於枕上成。驛路牛羊歸暮色，江橋鼓角動秋聲。
端淳者舊今無幾，為問湖邊老淨名。

次韻奉酬高栖翁

身世悠悠自可哀，暫將懷抱鄉君開。半生白雪無人聽，
幾夜青山入夢來。竹院就荒愁見草，水田經廢怯聞雷。
攜筇便欲相尋去，行到松陰却又回。

寄人二首

先生五十已開秩我輩政在不惑年萍水相逢何太晚
芸窻對坐成華顛支公自放沖霄鶴嚴子方規賣卜錢
莫待池魚長頭角便隨風雨上青天

落鬼東西但任緣舊房拋擲已多年行藏厭作出山草
身世甘為上水船黃卷排籤常滿架綠琴挂壁久無絃
不知入社將何日且要開池種白蓮

與無照莫出西郊

閩闔城邊烟草昏自攜禪侶過孤村陰雲垂地鳥歸樹

寒色滿空人閉門山逕雨餘留虎跡野塘秋盡露潮痕
一聲牧笛前峰起回首殘陽欲斷魂

送松洲歸蘭陵

衣囊結罷上歸舟腸斷江城雨不收年鵬漸高愁作客
交朋雖好倦追遊水村遠近多鄉樹烟郭東西是別州
此去故知南鴈盡相思能寄短書不

過石湖

十月吳皋霜露零田家收稻滿柴扃湖中浪擁銀花白

天末山橫螺髻青，寒色亂雅飛笠澤。夕陽衰柳並旗亭，
何時覓得清遊伴，更買扁舟過洞庭。

宿山寺用唐項斯韻

步入松門行逕微，秋燈隱隱見僧稀。風生閣壑虎初過，
雲起寒潭龍已歸。挂檻清泉當面落，穿廊黃葉近人飛。
明朝又鄉它山去，身外還存舊衲衣。

遣興

寶書空揜滿塵埃，縱有閒情亦懶開。壯志但隨白日過，

少年不逐青春回風波浮世誰長在雲雨交游我獨哀
更欲荷鋤嵩壑去種松栽菊自裴回

桃花源詩

孤光耿耿洞門斜只尺仙源去不賒流水豈能迷客路
春風終是到田家山林影裏聞人語鷄犬聲中得岸花
相見毋煩問塵事且同尊酒醉煙霞

懷北游者

芳草長亭路渺漫遠遊聞說過淮安相逢每歎同懷少

一去那知會面難
老鶴唳空松院靜
夜燈照雨竹窻寒
年來舊友皆流浪
笑對青山獨倚闌

登報恩寺閣

高閣閒登四望寬
青山極目倚雲端
水村漠漠連天遠
隴樹沈沈帶雨寒
罷馬嘶風春艸徧
倦雅歸堞夕陽殘
豈知大道平如掌
今古人間行路難

書友人壁

獨坐虛窻晝眼明
萬緣休罷一身輕
石池水滿魚苗長

花逕雲消鶴影清
燈下遠書來越嶠
枕中孤夢出江城
自言野性如黃鵠
日夕長縣碧漢情

警懂次韻

少小林泉學空寂
不覺犀顱生二毛
買山無資愧支遁
昇天有路付琴高
北上定愁燕地雪
西游終怯瞿唐濤
牀頭三篋幸無恙
東肚何須紫錦條

寄無及長老

清才雅望屬明時
在處人傳絕妙詞
靜飲三杯松下酒

閒圍一局竹間棋
花開古寺春生蚤
潮落寒塘月上遲
莫訝近來音問缺
為因無路寄相思

寄如鏡師

露滌暄風寒氣催
砌蛩號冷夜聲哀
楓飄南國鱸魚上
鞠發東籬鴻雁來
高閣晚山曾共看
舊房秋迳未重開
何時再剪西窓燭
坐聽青琴走壑雷

送人之金陵

歌罷陽闕酒一杯
扁舟欲上更徘徊
舒王舊宅為僧寺

後主遺宮化劫灰
北固山頭春雨過
西津渡口暮潮回
心閒在處堪為客
遮莫天涯杜宇催

松陵道中

五兩翻風彩鷁浮
旅情詩思共悠悠
霜迷古道晴猶滑
水合平湖曉不流
隱約野田明白鳥
淒涼江柳映紅樓
故人只在炊煙外
帶月侵星到即休

傷報曉鷄

畫角聲銷欲曙天
遠傳清唱到窓前
殘燈獨客回春夢

壞榻閒僧起夜禪
茅店霜寒登樹宿
槿籬日暖踏花穿
不知何處供盤箸
空對筠籠為黠然

悼畊雲禪師

聞師久鄉域
陰住擬與將來建法幢
半偈不留忙
下世舊經空在伴
秋窓雨荒新塔風
吹草雲黯孤城月
墮江行業未馮人
紀述南宗弟子已心降

靈崑

尋幽遠到千年寺
行盡清陰見野桃
羅綺成塵傷窈窕

屬鏤凝血閔英豪雲生絕壁春山暗風起平湖夜浪高
暫向松根憩微倦滿身空翠濕征袍

秋興

青山木落見遙曾幾欲依栖去未能鍾阜固應回俗駕
沃洲終合屬間僧柴門靜掩深秋月色寒侵午夜燈
不涉世緣尤是分風雲何必羨鯤鵬

送別友人用唐姚合韻

遠到山家學采芝情深不覺忘歸時松敲老屋侵人近

石磴流泉出澗遲，峯影參差連草色。
禽聲窈窕隔花枝，莫言書劔曾來此。
恐落閒名四海知。

寄無照

巾舄隨緣寓北山，家林雖近亦忘還。
一簾草色清秋靜，四壁蟲聲白晝閒。
佳句但書幽石上，遠峯多畫寢屏間。
嗟予與爾同年齒，落鬼無成鬢欲斑。

書如鏡師壁

銅龜塔下居來久，種鞠栽松老歲華。
無事幾曾離水石。

半生長是寄煙霞
據梧靜聽空階雨
策杖閒看小苑花
多少嵩間深隱者
不知幽趣在君家

悼巖栖翁

欲卜幽栖尚未曾
豈知今日別交朋
霜鐘敲落故山月
夜漏滴殘賓館燈
原上又添青艸塚
社中不見白頭僧
春風城郭還依舊
緩步尋芳恨莫能

舟中晚歸

雨餘村聚暗桑麻
問訊韶光去已賒
野筵揭雲聲嫋嫋

酒旗穿柳影斜斜荒原遠近多芳草幽磔東西盡落花
巾錫又還城郭去卧敲篷底數歸鴉

憶陳隱君

幾載先生共往還杖藜今日斲松闕苔封白骨琴尊遠
月浸空齋研席間弟子未聞居墓左詩名長見在人間
自言只憶蓮花國終不栖神鄉海山

舟次江亭

歸思悠悠極渺溟暫維舟楫並長亭春江水暖蒲牙白

野岸烟銷柳眼青
鳴犢帶聲登廢壠
征鴻和影度遙汀
不知何處吹霜角
獨立天涯淚欲零

次白提舉秋日與人汎吳淞韻

秋風一舸共裴回
日照川原宿霧開
白鳥不知吳苑廢
青山曾見越兵來
清標拔俗元章字
佳句驚人子美才
我欲從行身莫遂
幾番吟上水邊臺

次韻無及長老見寄

退跡深居楚水濱
愛閒甘作卧雲人
一身貧盡豈足道

五字興來如有神
江郭雨昏山色古
柳橋風暖鳥聲春
雖然不是鍾期耳
世外偏將古調親

虎丘春游得花字

新路委蛇半帶沙
到來疑失舊烟霞
鼓鐘才動水雲合
絃管未終山日斜
崑閣雨晴生細草
石池春漲有殘花
小吳軒上聊馮檻
古木陰陰噪亂鴉

過無得院

每說江湖倦往還
却歸此地揜柴關
舊栽修竹臨寒水

金匱四庫全書
卷二
更起回廊映遠山夜半鼃聲來枕上日高松景上窓間
有時間倚孤筇立覓得新詩自解顏

月夜四首

明河如練月如弓涼葉蕭蕭下遠空水國正秋無過雁
苔堦終夕有鳴蟲故人自隔關河外往信猶存篋笥中
一盞青燈伴孤寂夢回吹殺破牕風

漸老襟懷豈易寬強將詩句散愁端黃花開後重陽近
白髮生來萬事難月夜獨眠松館靜晚天清坐竹窓寒

暗塵鎖斷青琴索
指甲雖存莫可彈

鴈聲吹落五雲間
帶月柴扉夜未關
寒氣僅傷凡草木
秋風難老舊河山
孔賓好學非求隱
元亮休官為愛閒
今古一株天上桂
近來聞說有人攀

陰蟲切切唳秋露
涼月娟娟照夕風
鸞鳳幾曾栖枳棘
鷓鴣多是占梧桐
人皆酤酒追陶令
我獨栽蓮學遠公
堪笑當年槐國夢
黃梁未熟已成空

次韻荅人見寄

野水晴山遠所居水聲山色共如如作詩不學前朝體
揮翰多臨北海書塵暗古琴人聽少艸深荒逕客來疎
金蘭義重惟吾子長寄新吟到敝廬

夜至市涇積慶寺

蕪葭風高寒氣深鴻雁叫渚日已沈青燈一點出林薄
白屋幾家居水心野岸經霜楓未落村船入夜路難尋
意行漸與精廬近耳畔俄聞有磬音

客中次韻荅平道士三首

抱寂希夷二十年孤踪隱約少人傳優游泉石非徒爾
玩弄文章是偶然槐市有時還縱步松窓無事且高眠
暫來江上尋詩友正值霜風落木天

閒房瀟灑樂堯年寄我新詩信可傳世上利名都索盡
壺中日月更悠然風回高樹吹瓢響露浥虛庭警鶴眠
聞說仙壇朝斗夜簫聲殷殷下遙天

聞君有道已多年籍籍聲名海內傳釋老門庭雖異趣
山林風月本同然尊香水國堪垂釣草暖陽坡可醉眠

金錫也曾飛碧落不妨伴鶴上青天

余留市涇積慶寺壁間有劉時中阻風之作因

次其韻

江郊歲晚草樹黃原野拍塞浮晴光飛鴻冥冥楚山遠
游子窅窅吳天長柳並寺樓搖碧靄笛橫漁浦隔蒼茫
如今海宇清寧久聲教雍容洽大荒

東塔廣福寺

步入松門一逕斜小橋南畔是田家講經老宿多遺骨

聽法天仙不雨花倚漢危樓栖野鴿隔窓高竹蛻秋蛇
但令泉石堪依止包笠重來豈憚賒

留別

歸心難遣促歸期一夕霜風動渺瀰壑麥迎寒抽葉蚤
江梅待雪放花遲登樓擬作懷鄉賦臨水還吟惜別詩
明日松陵重回首碧雲紅樹總相思

雨中次韻

寶書鈔罷事清吟但覺虛窓景易沈堦下亂泉空作響

水邊嘉木自成陰雷聲殷殷雲頭黑風色蕭蕭雨意深
不有同人遠存慰寂寥踪跡更誰尋

書山家壁

植槿為籬竹作門翁姑長守主人墳野藤不共屋松老
澗水自隨山路分溪上月明秋逼雨壁間燈暗夜生雲
茫茫塵世無窮事終日蕭然竟不聞

秋懷次韻

虛庭獨坐晚涼生一道斜河屋外明幽鳥帶雲歸樹宿

清鐘和月出樓鳴
弟兄南北音書斷
歲序飄零客夢驚
大雅高風雖不競
伊余時得會詩盟

秋日雨中再用鈞字

目送蒼旻無盡頭
濕雲凝雨幾時收
看山舊榻還當檻
待月疎簾罷上鉤
蚤稻損花秋失望
高梧翻葉夜生憂
雞鳴狗吠豐年兆
何日重聞某水丘

次韻荅人見寄

憶昔江頭送別時
歸舟欲上又還思
百年塵事頻翻覆

半世交游幾合離
天畔白雲惟舊色
檻前青桂有新枝
征鴻無限南來者
不寄音書只寄詩

悼芻長老

苔色蒼蒼竹四圍
山林雖是昔人非
青春舊友有誰在
白髮高年空自歸
禪榻塵昏孤磬咽
影堂烟裊一燈微
殷勤到此焚香罷
獨對斜陽淚暗揮

春日寺居荅人見寄

古寺栖遲甫歲餘
客羶未煖又移居
脩篁老盡猶遺種

舊友亡來不寄書
江郭雨寒聞雁少
郊園春淺見花疎
清香一炷琴三弄
終日蕭然掩敝廬

京口

車聲軋軋輾紅埃
北馬南颿日夕來
淮甸雪銷江水漲
海門月上楚天開
堤邊行飯多逢柳
野外尋詩不見梅
會散金山即歸去
春風催我上琴臺

上方

孤壘巍峩出翠微
湖光澹蕩照崑扉
綺羅香散游人遠

金匱四庫全書
卷二
鼓笛聲消賽客稀故閣已傾餘柱礎斷碑空在長苔衣
青山本是無今古幾度殘陽宿鳥歸

書故人壁

湘簾高卷雨冥冥松竹蕭森滿戶庭芳艸春深隨意綠
遠山雲盡向人青一川寒水橫疎牖數朶幽花插淨瓶
回首利名驅逐者不知塵夢幾時醒

遣懷

境入中年萬事休但思韜迹老林丘西山夜雨寒侵夢

南國春風雪滿頭
桃李無私隨地發
烟雲何意並人愁
一雙窮相繙書手
豈解尊前事獻酬

次韻山村先生五首

嚴陵臺下水潺潺
漠漠高風去不還
處士隱廬遺路側
永公書笥出松間
山田墮瘠民生儉
郡邑蕭條吏事閒
幾欲清遊身未遂
煙霞盤礴鬢毛斑

定起空山尚有星
悲笳杳杳上青冥
壁間燈暗雅啼樹
池上月涼魚闖萍
文錦薦枰風字研
綵繩穿夾梵書經

舌端解使天華隊爭侶無言對翠屏

尚無閒手把茱萸豈得將身作醉扶留我香燈依澗壑
聽人包笠遠江湖馳名冒貨爭蝸角要執圖榮將虎須
松景滿窓秋日短楞嚴才罷已申晡

綠蘿深處澗聲幽一片閒雲盡日留灰木身心都寂寂
塵埃世事任悠悠壺中觀閣徒存想畫裏山川足卧遊
若使杖藜能過此浮杯相伴狎輕鷗

莫將學問負平生白石清泉暢野情槐國舊聞螻蟻戰

鵲巢今見鶉鳩爭子胥尚昧遭吳廢文種寧思辟越亭
更有卞和曾獻玉荆山下淚盈盈

漫成

鄉來歲月苦蹉跎今日生涯又若何交友漫多情少合
閒身未老鬢先皤水邊紅葉終難久天外青山豈易磨
但得釣鼇竿子在短蓑輕笠傲烟波

次韻无及長老

蓬蘽栖遲亦有年了无榮辱願誰憐道林解講猶騎馬

魯望能詩却寄船苔壁畫深蟲吊寂紙窓秋破鳥窺禪
焚香煮茗皆吾樂豈但清閒便屬仙

冬日書況寄無照

香冰紙閣畫沈沈古鑑橫陳且照心喬木天寒風易急
斷河雨竭水難深爐頭煮茗才中飯庭下觀梅已夕陰
老大才踈倦馳騁漫書幽況寄知音

以前詩寄無照見荅稍遲輒自和促之

此生誰暇計昇沈但欲蕭閒養淨心高卧豈知浮世狹

獨居惟覺故山深
檐飛雪溜窻間濕
日照空雲石面陰
坐鄉西齋持密語
近來能作五天音

無照既見和復以元韻答之

拂拭銅彝炷水沈
跣趺相對可清心
穿雲種玉青山遠
破浪探珠碧海深
滿樹春風傷渭北
一篷夜雪憶山陰
賡歌和曲非吾事
聊演人間大雅音

既酬之又用元韻遣興寄無照

不鄉明時嘆陸沈
散廬堪隱莫年心
蘭芳楚澤春愁闊

月滿荆岑古恨深
白首有名猶谷口
青雲無夢自汾陰
松風卧聽如韶濩
膝上何勞綠綺音

冬日作

蒼松翠竹遶吾廬
終日蕭然只晏如
琴上不彈新曲譜
篋中多貯故人書
春生故苑梅開蚤
雪滿寒江鴈過疏
无限市朝車馬客
豈知城郭有閒居

己未歲感事二首

心攢百感鄉空書
此日才同少水魚
曠野有風傷晚稻

荒園無雨減秋蔬東林泉石容高道南嶽煙蘿尚獨居
縱使聲華動京邑未知何地樂耕鋤

野逕秋深葉滿苔豈堪塵跡此中來塔前蟻陳衝還破
花底蜂程挽莫回童子已提沽酒器山翁猶奉注茶杯
長松怪石渾依舊相對何由笑口開

遣懷三首

堂堂歲月水流東贏得身將槁木同草葉已零淹莫雨
梅花才發值春風岐中厭作亡羊客塞上甘為失馬翁

已有一枝栖倦翮翱翔何必羨冥鴻

竟日何勞事苦吟漫因幽興寫閒心神魚出海搏風遠
玄豹依山隱霧深縣吏每來欣有酒鄰翁却去笑无金
平生不畜閒田地衣鉢隨緣直至今

遯跡勿思礪壑間胥徒叫囂來扣關首陽尚使夷齊卧
潁水寧容巢許閒海上白鷗雖可狎雲中黃鵠却難攀
何如穩汎華亭月莫學淮南賦小山

除夕二首

小閣春融坐不厭，獨憐无月到松簷。
銅壺漏斷五更盡，畫角聲銷一歲添。
風燭冷光涵素壁，瓶梅疎影透湘簾。
莫將爆竹驚山鬼，近日城中火禁嚴。

春入江天夜坐溫，嘉蔬喜得備盤飧。
笙歌不動還休市，燈火雖張合閉門。
壑畝風寒傷薺麥，山園地暖益蘭蓀。
近聞里巷兒童說，明日庭中看水盆。

早春留別

津亭烟暖柳絲輕，欲上孤舟更問程。
野日照衣春色好

江風吹面莫潮生
遙山黯黯增羈思
宿草離離動別情
莫訝白雲无定在
暫攜包笠去吳城

春日錢唐阻雨首寄山村先生

客窗燈暗曙鐘殘
泥潦從衡路未乾
滿目雲山留我好
一樓風雨見君難
湖邊雪盡梅應蚤
吳下春遲麥尚寒
南渡者英久寥落
豈知猶有故衣冠

登南高峰絕頂

客心江水兩悠悠
高閣閒登見越州
細嶺日斜樵子過

斷崖壁立野泉流
松根落石森兵衛
天際孤舟片葉浮
長嘯一聲羣響答
又攜青竹下崑幽

過西湖

霏微煙靄滿遙岑
春入長堤柳色深
今古畫船供一醉
幾多紅粉得千金
漁歌豈說游人耳
莫雨偏傷倦客心
幸有孤山梅竹在
杖藜徐步作幽尋

清明日山行

羣鳥聲喧春日晴
家家插柳作清明
溪雲落眼水邊坐

花露沾衣樹底行野寺貧來猶換主山園廢後但存名
都緣趣俗无新韻城郭幽栖過半生

如鏡師剪竹四竿植為蒲桃架其一適活要余

賦詩遂作此以塞請云

蒼筤剪得出遙林架就危棚近壁陰柔蔓未垂珠落落
短梢先挺碧沈沈月明亂影翻秋几露冷清聲入夜琴
養取閒門表孤直莫教容易俗塵侵

子虛以湘竹杖惠余兼貺二詩遂依韻答之

願得山人古竹筇節間銷盡淚痕紅化龍定躍蒼波裏
伴鶴還騰碧漢中躑步安危存用舍百年前却付窮通
相應海國歸來日繫向船頭取便風

一枝誰剪楚山前却寄東吳遇客船打雨打風常在手
挑雲挑月不離肩松根老石當秋倚花下幽蹊帶晚穿
閒處未容頭角露且留橫膝看青天

漁父二首

夕陽波上釣絲輕風入薰葭窸窣鳴辭劍為憐逋客難

鼓撓曾笑逐臣清數聲竹籬湘江闊一帽山花白髮明
南北去來人自老幾多空抱羨魚情

罷釣優游老此身數椽茅屋並湖濱青雲富貴無多日
白髮清閒有幾人篷底未曾論伯越花間且莫問強秦
紛紛世事皆如夢更送牀頭百瓮春

庚申歲莫三首

是非無定底須聽飽食游譚更不經髮短意長猶困學
智生耄及湯勞形松濤袞袞翻茶鼎梅雪紛紛落瓦餅

門外數峯天削出亂暉東旭倚空青

江郭陰寒天未晴歲華拋擲又遐征蟄雷失序先春動
野雉知時鄉曉鳴草木自堪同臭腐雪霜何必苦從衡
謝公心雜陶公醉負却匡山白社盟

強顏求舊情還異枉已攀緣執必乖白雪豈傷侵紺髮
黃埃唯恐浣青鞵倚松間看雲生石揜室幽聞葉墮堦
無用散材何所適布衣蔬食老巔涯

經故人所居

桃花灼灼柳依依院落荒涼晝掩扉石沼水乾魚逝久
杏梁巢覆燕來稀壘頭未說人澆酒世上先傳客賣衣
欲對東風寫離恨郡譙吹角暮雲飛

天際歸舟圖

天風低柳拂長堤舟入蒼茫遠景微炎暑有時銷客路
灘聲終日在漁磯身隨江海馴鷗鷺夢落山林飽蕨薇
從此束書歸舊隱晦名韜跡老巖扉

秋思二首

西風吹上洞庭波涼葉紛紛別故柯社燕畫檐秋影絕
候蟲文砌夜聲多青藜扶起宜將老綠綺調成足倚歌
城市往來今已久擬收孤跡寄烟蘿

人生事事皆前定切莫猖狂欲妄行李子金多終富貴
張儀舌在漫從衡柴桑雞狗還追放甫里烟波絕鬪爭
楓葉已丹秋欲老水村隨處搗香杭

辛酉歲九日二首

雲物淒涼秋意深江山何處可登臨一頭白髮驚風雨

滿地黃花恨古今木葉暗隨鄰杵落草蟲寒並夜牀吟
半生已分成樗散城郭長縣澗壑心

九月江天締絡涼眼看莎徑雨餘荒菊花不醉重陽酒
柳葉還凋午夜霜席上未聞楓作虎山中誰信石為羊
傷嗟杜老飄零久近亦歸來理草堂

破窓

落落疎檣紙半無冒寒猶憶去年糊飛螢暗入侵衣亂
涼月斜穿伴燭孤秋老蟲絲蕪葉掛雨晴蝸殼帶苔枯

候齋山鳥來還去幾番相闕不受呼

奉寄翰林趙學士二首

孟頫

玉堂學士晉清賢上國歸來雪滿顛
畫妙未曾池畔作書工自得枕中傳
溪山靜對堪娛老松蘿長存可引年
見說有時因覓句醉扶鳩杖看鷗眠

下馬趣班覲紫宸肌膚玉雪錦袍新
北門視草稱三俊東閣揮毫第一人
月隱掖垣分燭夜花迎御輦賜衣春
文星肅望光芒正爛爛仍縣霽水濱

過北塔有感次韻

脩廊徐步暗長吁古木猶存斧爨餘寒竈未聞煤墮甑
空庖將見釜生魚香燈影斷經行少鐘鼓聲沈學者疏
回首舊房拋已久草埋蕪沒任鳩居

夜懷

匡牀嘿坐夜燈明寥落霜天鴈一聲身世已成黃髮夢
乾坤唯長白雲情綸竿獨老忘軒冕舟楫全生變姓名
小大自來皆適性二蟲安得是同盟

歲晚書懷二首

雨霰交飛歲欲除，閒園草木已昭蘇。
盤登野菜無椒酒，盃貯香粳有土酥。
禍福固應論塞馬，雌雄何必辨城烏。
曳裾掃跡俱休問，自爇黃連擁地爐。

天寒靜戶少人過，殖殖閒庭爵可羅。
世上眼空蕉鹿夢，車中聲斷飯牛歌。
泥融沙逕春風近，潦沒蔬畦夜雨多。
清梵欲消江月上，磬聲松韻冷相和。

除夕次韻無功

屏跡丘阿每鮮歡老逢除夕恨漫漫生前聲利情偏澹
身外經書興未闌狡兔漫垂三窟戀鷓鴣終寄一枝安
百年浮世才炊頃推枕邯鄲夢已殘

落梅

晴雪霏霏灑砌苔浪蜂欲去更徘徊空傳淡影浮歌扇
不送寒香入酒杯隴首故人千里隔江南驛使幾時回
翠禽莫怨高樓笛一度春風幾度開

柳

寒條欲軟雨微微
染作鶯黃學舞衣
漢苑露濃宮葉重
汴堤風暖岸花飛
流鶯漫叫春還老
酒旆空招客自歸
若鄉津亭管離別
爭如陶戶靜相依

雨中遣興

雨橫風狂綠野陰
孤城蚤覺已春深
蒼松倚壑有寒操
紅杏出牆無古心
鄰館酒甘方擊瓮
客窗人靜罷彈琴
華墳竺誥皆師友
漫鄉間中作聽尋

徐氏園池

廣亭高榭接遙鄰
野雉籠藏錦翼新
柳色上衣薌逕曉
蜂聲浮席畫船春
秋千自濕花間露
鸚鵡還驚沼上人
莫訝粉垣深揜護
青山低處是紅塵

代悼亡

蓬閣思歸厭世樊
青鸞緩引別朱門
鏡中暫隱春風面
花下終歸月夜寬
簪珥獨留貽婢妾
田園長守有兒孫
紛紛弔客皆豪貴
跪向棺前酹酒尊

留別敬之講師

麥擢蝦須春欲歸青山影裏欵山扉松風瑟瑟吹人面
野日荒荒照客衣波上燕忙知夏近嵩間僧老出門稀
明朝又振歸城錫清夢還應遶翠微

秋日次韻二首

息景城闈歲月深見山還作采薇吟未曾世上期青眼
獨鄉閭中保素心鞠為花開登古缶蘭因香在守空林
可人最是栽竹鳳尾襪已及尋

緇塵不到白雲深晝寂空聞木客吟栢子當香堪達信

石頭聽法豈知心化牛鬪虎無杯渡放鶴沖霄有道林
睥睨寒山舊詩卷上騰光燄數千尋

秋夜懷古

促織侵燈泣短莎夜深涼露下銀河井梧葉脫秋聲減
江月煙銷霽色多千載悠悠遼鶴語三生渺渺牧兒歌
豈知世上無窮事今古還應逐逝波

趙子固所作蘭蕙圖

王孫翰墨妙無倫寫出胸中萬古春蘭葉夢寒悲楚國

蕙花香冷憶騷人紛紛蕭艾誰遺種落落山林自有鄰
莫訝幽姿能岑寂石根終隔馬蹏塵

春晚

矮窻日月無今古閉戶爭知春去來清鏡靜臨多白髮
好花閒看半蒼苔蠅傳鼓吹池塘雨茶展槍旗澗壑雷
海燕未回寒尚在暮雲重疊鎖崔嵬

寄弘道書記

閒愁不入酒杯中落鳧江湖侶轉蓬鶴髮歸來風月在

錦心吐出語言工
芭蕉葉大窻全綠
芍藥花開砌半紅
只尺林泉滯形跡
對牀煎茗幾時同

再用紅字答前人

抱景亭亭澗壑中
眼前多作倚麻蓬
鷹鳩異質無非物
枳橘皆名孰是工
聲遶堦除春雨暗
光流几席夜燈紅
詩筒莫厭勤來往
草木爭知臭味同

寫興三首

翠霧沈沈雨乍收
晚窓叢桂小山幽
枕中孤夢通三世

林下餘生寄一丘
耄及犀顛便簡寂
病侵鶴骨倦清遊
明時但得身强健
水曲巖阿足自由

目中忽忽更童耄
世上紛紛自盛衰
張翰吏間歸去蚤
季倫財散省來遲
桃花浪急魚生子
柳絮風柔燕領兒
未必靈丹化頑頓
擬將何物鑄鍾期

不知名跡堪為累
蟻垤蜂房亦鬪強
小黠大癡俱陸陸
寸長尺短付茫茫
米鹽胸府猶登坐
鞍馬風流足撫觴
案上簿書勤記錄
夜窻燒燭學研桑

山中二首

巖屋栖遲信有年，豈同魚鳥樂天淵。
身間尚不耽閒味，地靜何嘗住靜緣。
林下晝營燒筍火，石間時引煮茶泉。
菜畦香燼青烟散，月滿松頭鶴未眠。

萬事無求心便安，莫論人世道涂難。
風聲遶樹夜將半，月色到窻燈未殘。
峭壁倚天蒼蘚古，斷崖飛瀑白雲寒。
飢飡困卧隨緣過，趺足何勞作野盤。

春晚二首

窻中雨霽見遙岑
拂羽鳴鳩送好音
我懶未能參俗事
詩工自足醉人心
掃堦喜擁青松鬣
對客慵彈綠玉琴
一枕江南三月夢
桃花結子柳成陰

丘壑由來跡可逃
豈容塵土浣雲袍
石鼎湯浮寒蟹眼
陶杯文刷秋兔毫
林塘瀾瀾白水滿
山館亭亭青樹高
得句未能書雪繭
屐齒欲折心忘勞

苦雨

積潦橫流路不分
滿空烟靄暗朝昏
烏鳶跼跼墮荒圃

風雨瀟瀟失遠村，芻米賈騰愁白屋。
管絃聲沸醉朱門，無言桃李參差放。
侶怯春寒欲斷冤。

春蒐圖

酸風射眼路迢迢，斜跨銀鞍度渭橋。
野外翻身捎勁鋌，雲間灑血落盤雕。
犬循荒磧威偏壯，獸困重圍力易消。
什伍相將歸細柳，亨羶醜酒醉春宵。

讀宗鏡錄

珍閱龍龕幾百年，我生何幸得披研。
真空境寂非文字。

妙有緣生立聖賢
權實圓明般若智
果因清淨涅槃天
殊宗異學求源委
拭目方知萃此編

癸亥歲寓錢唐千頃寺述懷

高閣工書三十年
藝成媒禍少人憐
猖狂得意既由命
坎壈纏身莫問天
半夜飛蚊消廣夏
一天涼雨潤高田
雖然老朽成羈絆
還在山邊與水邊

秋夕

井間鳴雨夜漫漫
語靜長廊燭未殘
月色浸窻花漏迥

金剛經
卷二
蒼聲浮席竹房寒世情竟作秋雲薄禮數渾如野水寬
彈鋏掃門非我事委身崑谷自盤桓

書鮮于伯機詩後兼用其韻

昭時丹鳳雒崇岡吐出神珠埒夜光眼見牋麻才只尺
耳聞名姓幾星霜北山水石增吟興南蕩絃歌助酒狂
千載不須嗟寂寞已留遺墨徧炎方

登虎阜再用伯機韻

高標孑孑插雲岡深殿孤燈葆寂光巖畔野芳初帶露

樹頭山實未經霜滄溟自引浮杯興佳節還羞落帽狂
小艇不知歸路晚到城新月挂金方

秋山圖

浙浙涼風動沆寥白雲紅樹擁岵嶢扁舟倚岸不知久
拄杖穿林頓覺遙樓閣蔽虧橫遠漢澗溪春激度危橋
沃洲自合支公住曼倩從教隱市朝

贈楊秀才

江城已作黃花晚磴壑方驚白髮秋樗散幾年拋寂寞

金匱
卷二
憐君此日肯相求
雲霄直上饒騎鶴
湖海同盟願狎鷗
老我未忘千里志
杖藜終約看淮流

冬日寄無功

黃鞠當堦爛漫開
小窗紅葉自成堆
天寒但解冰霜至
人老爭知歲月催
萬事不求真富貴
一毫為累即塵埃
風流來往唯吾子
擬共巡檐看蚤梅

癸亥歲莫書懷

白雲深處掩茆茨
回首人間萬事遺
愚知得時皆有命

古今造物本無私
阮公漫解開青眼
墨子終須泣素絲
臘盡雪銷梅放後
寂寥寒谷是春姿

遣興五首

五十雖賒病見侵
閉門終日少相尋
春鶯漫逞千般語
老驥終存萬里心
花遶竹房紅作陳
柳垂莎徑翠成陰
江南三月清明後
便有蛙聲聒夜深

博山烟靄作空濛
脈脈幽馨鼻觀通
一院杏花寒食雨
數聲黃鳥綠楊風
忙中日月何曾異
靜裏乾坤自不同

蟲臂鼠肝隨所化未能勞力問崆峒

身前萬事若浮塵過眼從衡日日新
蛙黽得時多意氣鯢鯨失水少精神
青山古木丘園晚白鳥蒼烟浦溆春
回首吳淞興無限島頭新漲綠粼粼

天運循環杳莫窮生生化古來同一百六日
寒食雨二十四番花信風此身不寄鵲巢內
孤跡聊藏人海中深院日長新睡足倚闌閒
數北歸鴻

千載誰言柳花香醉李吐出錦綉腸江邊
春雨一犁足

天外晴絲百尺長
空山無人薇蕨長
流水落花鶯燕忙
自來貴賤皆歸盡
草木哀榮豈足傷

寄白雲

反關銷景湖水眉
吾子政是安瞑時
春寒未成荀蕨夢
老大得赴煙霞期
松湍漱壑青燈迴
篆縷縈簾白日遲
清磬數聲經卷罷
風前洗耳貫休詩

追和宋馬雲訪踞湖山仇隱君韻

白雲飛盡碧山空
屋外天桃破曉紅
幽隴樹深難隔世

平湖水闊易生風，丹光射斗驚朝士。
酒氣薰林引釣翁，未識鳳書何日下。
隼旗今已到崑叢。

過友人所居

春紅銷盡綠陰繁，簾幙風輕燕子還。
柳絮漲天清晝永，蛙聲動地白雲閒。
亭亭鉅筆林間塔，隱隱脩眉郭外山。
不是君家有泉石，杖藜那得事躋攀。

次韻荅彥上人

城郭幽栖鬢欲衰，豈堪煙浪隔相知。
鴻歸絕漠疏來信，鵲

噪虛檐辱寄詩黃葛暑煩還御蚤蒲葵晝寂獨揮遲雖
然兩地同明月跛足何由得望之

光福寺用唐顧在容韻

浮圖突兀倚雲中頂冠神珠爍太空地接近村分野綠
天縣落日隔溪紅穹堂廣坐涼銷夏絕壁高山夜吼風
齋鉢久虛龍象散上方留得住山翁

甲子歲莫

時序川流齒漸增此身還顧百無能心懸絳闕眈名客

夢遶蒼山賞靜僧古樹月明深
卷雨遠天鴻過矮窗燈
平生漫有烟波興擬宿蘆花尚未曾

虎丘用唐李紳韻

闔閭丘墓名空在代遠時殊事不同
碑碣尚無唐故跡
山林寧有晉遺風
刹旛影動青冥外
齋鼓聲消莽蒼中
若使石頭曾聽法豈能終日並禪宮

代悼亡

清鏡孤鸞曉影沈
但傷兒女百年心
華堂遺像有時見

瑤席慈容無路尋
夜半窓紗明月照
架頭中幌素塵侵
數莖白骨歸黃壤
回首人間隔古今

贈艾幼清教授庭暉

故鄉拋擲寓東吳
客館淒涼尚讀書
縣令棄官猶有酒
先生寄食豈無魚
江城春老花飛急
槐市風清燕過初
草木想當名已熟
往來多識馬相如

無照林亭

累土崇丘作小亭
手栽花木滿林坵
郡中高樹已全綠

屋外遠山才半青，過眼榮枯荒圃草。
到頭聚散野池萍，餘生但願身長健。
杖策時來對翠屏。

自陽山歸舟中作

小麥青青大麥黃，澗松風急夜聲長。
轎穿細路春泥滑，花落清渠野水香。
嶺上獨留雲作蓋，村邊多見石為梁。
楓橋寺轉閭門近，回首西山已夕陽。

偶讀中峯和尚和潘王王璋留題真際亭詩，因
而有感，遂次其韻二首。

衆峯序列作愁顏，鶴怨猿驚尚未閒。
月滿蘿庵人寂寞，風生松嶺澗潺湲。
王因問道來天上，師為逃名去世間。
獨撫遺編成浩歎，水雲無路扣玄關。

西峯泉石可怡顏，地遠塵踪日月閒。
樓觀耿耿橫峭嶮，杉松轟轟蔽潺湲。
安危豈在羊腸裏，寵辱偏生馬足間。
自是名王尊有道，閒攜賓從及柴關。

贈叔恭

負笈擔簦計已灰，歸來蕭寺掩莓苔。
呼猿別磴曾拋果

放鶴它山得看梅
樵逕雪晴芒屨出
江橋風熟布帆開
反思身外無窮事
不直窓間水一杯

新居次韻山村先生

天地茫茫喜定居
莫年應是惜三餘
青燈不作前朝夢
白首猶觀後世書
遼海舊傳千歲鶴
謝池今見九洲魚
清風朗月皆疇侶
鬻茗焚香足晏如

曉作次韻前人

東旭朝躋萬象明
新鴻嘹唳度江城
寒花獨對情偏淡

鄰杵幽聞韻更清
荒逕草衰秋欲老
遠山雲盡雨初晴
半生已作溝中斷
潦倒終非待晚成

漫興二首

栖遲久已傍崑隈
駒隙光陰自暗催
江國夜寒楓葉落
楚天霜冷塞鴻來
清遊振策尋花隴
野望褰衣上石臺
堪笑人間未歸客
摩挲銅狄欲興哀

平生無夢到槐安
鏡裏青春鬢已乾
霜氣稜稜摧衆草
光風漠漠汎崇蘭
塵埃世事隨時變
澹泊交情到處難

幾度呼童課經罷看雲黯黯倚危闌

淮陰侯

羣雄逐鹿競紛紛虎鬪龍爭執未分背楚棄官皆失義
下齊求國是要君崩通詭辯誠難信陳豨上奸謀豈易
論當日更無鍾室嘆豈勝竹帛載元勳

舟中

西出胥門路不賒短篷回首已天涯高林鵲噪青山近
遠岸人行白日斜
襜影浮空標野寺
耒聲隱谷隔田家

十年來往成何事贏得蕭蕭兩鬢華

吳嶺道中

山村人過犬吠竇野澗魚躍泉鳴沙江城雨雪三春莫
崑屋松杉滿地花芳草路邊逢廢井夕陽川上見歸雅
年年寒食偏傷感能上新墳有幾家

垂虹亭

長虹天矯卧平湖奕奕新亭畫不如蒼切太空喧燕爵
影搖寒水陰龜魚它山雨過漁歸久別浦潮回月上初

今日豈無題柱客會應來此駐軒車

讀時太初海昌詩卷

旅宦迢遙滄海濱熬波終日役疲民
夜窻夢覺驚風雨寒燭吟殘動鬼神
覽鏡每傷新白髮把杯還憶舊青春
空餘翰墨傳天壤老我林間失故人

畫梅

曾向孤村見此枝杖藜徐步雪晴時
香飄野路傳春早影上山牕礙月遲
處士詩存猶可讀逃禪骨朽却難追

芬芬瓊蕊無今古羌笛高樓亦漫吹

秋思

梧桐百尺金井高秋風吹葉聲蕭騷莊生是非付一指
杜老飄零嗟二毛月明江上雁飛急木落窻間人夢勞
非熊自起磻溪釣淮南小山方遁逃

楊尖觀音院壁間有故御史周公景遠留題一

再讀之令人短氣遂用其韻為詩悼之以寓
平生交契之意

金史四庫全書
卷二
拂塵讀罷思悠然詞翰空存遂逝川銀管脩文歸地下
玉棺承詔墮天邊聊城丘壑木未拱蕭寺鶯花春政妍
欲致生芻惜無路漫歌風雨度年年

論詩

是非不到白雲中高卧冥冥碧漢鴻典雅始成唐句法
麤豪終有宋人風智愚願作登壇將茅土偏旌蓋代功
狂妄未流徒好惡豈知到海味還同

山中


寂寥空谷久相容
行道何須向別峯
山腹引泉同煮茗
嶺頭乘雨為栽松
倚天傑閣巢靈鶴
徹海澄潭卧毒龍
樵客豈能知住處
草堂終日白雲封

寄無功

雨雪霏霏歲暮天
路泥活活古城煙
出門曳杖難相就
矯首停雲恨莫前
暝色半窓書引睡
屐聲盈耳客驚眠
已聞處處添新漲
早晚春湖共放船

懷安養詩

獨立天涯送落暉故鄉拋擲淚沾衣久知慈父嗟逃逝
早辦誠心好賦歸三界鈴屨真可吊四生流浪竟何依
白毫今古無私照攝引西馳願不違



谷響集卷二